

**CIULIQAGTEMTA ALLGILIYAM, METROPOLITAN TIKHON-AM NALLUNAIRUTII
ALUSSISTUAMI 2016
KRISTUUSSAQ YUURTUQ! NANRARCIU!**

Una ayagtuq takarnarqelrianun Atkuumalrianun, qigcignarqelrianun Managganun, cali Piyumirluteng Agayumalrianun Orthodox-at Agayuviatni America-mi.

Kristuussaq yuurtuq! NanrarcIU!

Allrakuni mallegetellriani pingiinaulluta kelgumalartukut ilagautevkarluta amllerne ayuqenrilngurnek “ella’aneK” unuaquaqaan yuullerput cimiqautellriatun ayuqluku. Ukaqvaggun allamek tangercetaalillruut Star Wars-amek, allami ella’ami pilriamek, cali allanek nallunailngurnek piliciqluteng, tekiulluta amllerne ayuqenrilngurnek tangercetaaneK allani ellarpagni pilrianeK cali waniwa pilrianeK makuni anagtassigetellriani, anglanarqellriani, internet-ani cali qanemcini. Makutgun qimagcet’laryaaqaakut yuugurallemtenek, taugaam cali nagecimalartukut wangkuta ellamteni, nunamiutarnek cumertelput cali aglumalput pikluki.

Ernerpak, atu’ullemteggu Angelria Agaynerpak Yuurtellra Kemegkun Atanemta, Agayutemta cali Anirturtemta, Iissus Kristuussam, kelgumaukut ilagaucesqelluta, ellamun allamun qimallerkamtenun pivkenata, taugaam taumun “piciquamanrilngumanrilngurmun irrinamun alairumanrilngurmun” tuaggun ayuqucilingtelartukut cali cimiumaluta, akuqainanemteggu Angayuqauvia qiliim akuqercelluta Atanermun. Unayaqumaukut tekicesqelluku, imkut pivkenaki tangnirqellriit pinilegpaulriit tangercetaani, taugaam tangnirqutii yuurtellran mikelnguun Iissusaam.

Alaitellrakun, avatiikun cakneq qacignarqenritellrakun, camek avaurilkinarqellriamek cakneq pitaituq: arnaq irmiuq qerranqumi cali elli’iluku irmiani ungunsiit nerviatnun. Taugaam tang’ nallunailngurkun tangrulriakun alairtuq ellarpagmun angelria nallu’unaq: akwaneK piulriim Agayutem tegua ayuqucirput tamalkuan. “Imna qiliit tangnircartiit agyanek, piyupiarluni yuurtuq mikelnguuarauluni, cali Imna unatmi qukaani tegumiaqekai tamalkuita iqui ellarpiim, elli’imauq nerviatni qanerciigalnguut ungunsiit.”

Una nallunaq tangrulartuq wangkutnun Agayuviim ayagturalrakun agayuyarani cali tanqutaini cali wangkuta pingnatullemteggun yuungnaqlemteggun Agayumacikun. Una elluangaqsarami piunruuq. Waten Father Alexander Schmemann-aaq igallruuq, “Pinqegcilria yuk pinqegcilartuq tua-i-wa akurtulaamiki yuut ayuquciitgun, patuaqluki pinqegcitmek. Pinqegciyaraq tangnirquq, tangnirtaituq ellarpagmi. Elluangaqellriit yuut uitanrilnguugut, atuusqumapiarluki allanun carpakelteng cali assilriarucirteng cali egmianun aniqlaagiluteng, piunrirluteng, eq’ukiluteng... Maani ellarpagmi elluangaqsaraq amllertuq, cali pinqegciyaraq ikgenani.”

Elluangaqsaraq unakarkaqaenritaput, taugaam yuullerkaq ellmikutuluni cali tangengnaqluku Atanrem nakmiin tarenraa tamalkuitni yugni tekitellemteni. “Imna elucimikun agtuumasciigalnguq” nemrumauq yugtun pekcailkutanek aklunek tuaten wangkuta “ilagaucesqelluta pakemkumiutarmun ayuqucianun.” Camek qimallerkamtenek pitangqerkan, uitaci’iquq assiilngurnek tuigtellemteni, tuaken-llu iqluussiyaalriamek aglumatainek ellarpiim.

Naklegtaucia Tanqilriim Anernerem cikumanrituq wangkutnun elluangaquciq pitekluku wall’u pingnatugluni ellminek cakaariyaraq pitekluku; taugaam uitauq ellmikutyarami cimirilriami wangkutnek tuaten Yug’urtellran cimilauciatun ellarpak. “Piliaqumalriim watua eggliki akallaulriit, tangerrluten, Piliaqista, mikelnguurruten, tua-i yuurtellerpeggun elucilingigtaten cat tamalkuita, nutaraurrluki ataam cali ciuliqaggluki ataam utercelluki ciuqlirmun tangnirqutaitnun.”

Nunanian uum angelriim agayunerpiim ayuqcilingignaurakut watua, nutarami allrakumi tekitarkami, cali tamalkuitni erenret yuullemteni, utaqaqgillemteggu tamalkuurutii qiliim Angayuqauvian, tamalkurmi alairumaksailnguq, taugaam ak'a uitaluni yuuciani Kristuussam Temiini, Agayuvigmi.

Kenkakun Yuurnerrami Kristuussami,

+ 

+Tikhon

Allgiliyaulria Washington-aami

Metropolitan-aarulria tamalkuan America-mi cali Canada-mi